



Malipayong Pag-abot sa atong Simbahan!

Malipayon kami nga inyong gipili nga duyogan kami karon sa pagsimba sa atong Dios ug Mangluluwas, si Jesu-Cristo. Hinaot nga inyong panahon dinhi kay mahimong mahinongdanon ug halandumon.

Ania ang pipila ka mga kalihokan nga nagpadayon uban kanamo!

Small Group Leaders & Facilitators Meet-up

Si Ptr Nic makig-abot sa Groups 3 & 4 sa Hulyo 19, 2026, 7PM sa Northgate Center.

Hermeneutics Class

Gusto ba nimo nga motubo sa pagsabot ug paghubad sa Pulong sa Diyos?

Giimbitahan kamo sa pag-apil sa atong umaabot nga Klase sa Hermeneutics, nga magsugod karong **Hunyo 28, 2026**. Kini nga klase abri alang sa tanan nga interesado ug gusto makat-on og mga praktikal nga prinsipyo sa pagtuon sa Bibliya nga adunay mas dako nga katin-awan, pag-atiman, ug pagsalig.

IPLC 2026

The **International Pastors & Leaders Convention (IPLC 2026)** will be held on **July 28-30** at the Living Word Banawa. Registration is ongoing. Take advantage of the *early bird* rates until *June 30, 2026*.

To register, go to: www.livingword.ph/iplc



Unsa may among **maampo** para nimo?

Pribilehiyo namo ang pag-ampo alang kanimo! Mahimo nimong ipadala ang imong mga **hangyo sa pag-ampo** ug mga **pasalamat** pinaagi sa text (0912 130 6148) o pinaagi sa pagsulat niin sa mga prayer card nga gihatag o pinaagi sa pagpadala kanamo og private message sa atong FB Page.



I-discover ang **kinabuhi** uban ang atong mga **small groups**.

Nangita ba mo og mas lalom nga relasyon ug mas suod nga paglakaw uban sa Dios? Ang atong **small groups** mao ang dapit diin nato palambuon ang makahuloganong panaghigalaay ug dungan nga motubo sa pagtuo. Gusto ba mong moapil? Duol lang kamo ug pangutana sa mga ushers o volunteers.



Pabilin kamo alang sa **panaghigalaay**.

Gidapit kamo nga magpabilin alang sa **pakig-ambitay** ug adunay **libre nga kape** human sa service. Pahimusi ang higayon nga makahimamat og bag-ong mga higala o mangutana bahin sa atong small groups o bahin sa simbahan.



Mga pamaagi sa paghatag sa atong **tithes** ug **love gifts**.

BPI Checking **0421-0041-16**
Paypal **@livingwordnra**
GCash Account **0912-130-6148**

LIVING WORD NRA
Worship God. Advance His Kingdom.

Pagtugyan sa Tawhanong Kahuyang

Salmo 73:21-28

Gibuksan: Serye sa mga Salmo Diha sa Kahimtang sa Panag-engkwentro
Ptr. Matt Mahusay Sr. | Hunyo 28, 2026

Sermon Notes

I. ANG PAG-ANGKON SA ATONG KAKULANG.

Kinahanglan Ang Pag-ila ug Pagsugid sa atong Kakulang.

II. ANG NAGGUNIT LUYO SA ATONG KAKULANG.

Kini Ang Bugtong Paglaum luyo sa atong kakulang.

III. ANG NAGSANGKAP SA ATONG KAKULANG.

Ang mahinungdanong mao Ang pasalig sa Dios sa Iyang Pagsangkap sa atong kakulang.

Atong Misyon

Kita usa ka iglesia nga nagtinguha sa paghimaya sa Dios ug nagtinguha sa kauswagan sa Iyang gingharian.

Sunday Services

English 10:00 AM & 1:00 PM

Cebuano 4:00 PM

2nd Floor,
Northgate Center.

across Gaisano Country Mall Banilad, Cebu City.

“Pagtugyan sa Tawhanong Kahuyang”

SMALL GROUP DISCUSSION GUIDE

Para sa semana sa Hunyo 29- Hulyo 5, 2026

ALANG SA PAGSUGOD

Ngadto sa facilitator: Gamita kini nga seksyon sa pagpaila sa hilisgutan. Kon mahimo, paghatag ug mubo nga recap sa sermon.

Pagpaambit og usa ka halandumon nga punto, usa ka espirituhanon nga leksyon, usa ka personal nga aplikasyon, usa ka pangutana, o usa ka butang nga nakahagit kanimo gikan sa wali sa miaging Domingo.

Unsa nga gamayng butang ang dali ra kaayo makapairita nimo bisan dili kaayo klaro ang rason?

DISCUSSION SA GRUPO

Basaha Salmo 73:21-28

1. Basaha ang Salmo 73:1–14. Unsa man gyud ang nakita ni Asap sa mga hambog ug mga daotan nga nakapasuya niya nila? Giunsa man niini pag-usab ang iyang tan-aw sa iyang kaugalingong pagsunod sa Ginoo? Nakaagi na ba ka og panahon nga murag mas sayon, mas malampuson, o mas gibless ang kinabuhi sa uban, unya ikaw kay murag naglisod? Naka-feel ba ka nga mas nabug-atan imong pagtuo tungod ana?

2. Sa mga bersikulo 21–22, giunsa pag-describe ni Asap ang kahimtang sa iyang kasingkasing? Unsay kalahian sa tinuod nga pangutana ug sa pagpasagad nga ang kapait modala nato nga mahimong ‘walay buot ug ignorante’? Aduna bay partikular nga bahin sa imong kinabuhi karon diin kinahanglan nimo isulti, “Ginoo, mao kini ang tinuod nga nahitabo sa akong kasingkasing”?

3. Basaha ang Salmo 73:23–24. Unsa man ang katingalahan sa pulong nga ‘Bisan pa’ bisan giingon ni Asap nga napuno siya og kapait ug kabuang? Unsay pasabot nga gihawiran gihapon siya sa Dios bisan dili tarong iyang kasingkasing? Giunsa man ani pag-usab imong tan-aw nga dili lang duol ang Dios kung kusog imong pagtuo?

4. Ikompara ang Salmo 73:23 ug Juan 10:27–29. Unsay ginatudlo ani nila bahin sa pagkupot sa Dios sa iya mga tawo? Unsa may kalahian kung gihuptan ka sa Dios kumpara sa ikaw ra ang naningkamot mokupot Niya? Kung lig-on ang pagkupot sa Dios nato, pasabot ba nga pwede ra ta magpasagad ug padayon lang gihapon sa sala? (tan-awa pud ang 1 Juan 3:9)

5. Sa Salmo 73:25-26, unsa man ang pasabot ni Asap sa dihang miingon siya, “Ang Dios mao ang kusog sa akong kasingkasing ug akong bahin hangtud sa kahangturan”? Unsay pipila ka ‘bahin’ nga kasagaran gibuhay sa mga tawo karon, sama sa kalampusan, pag-uyon sa uban, kahupayan, seguridad, relasyon, o pagkaila? Asa niini ang labing dali nimong matintal nga tratohon isip kinahanglanon una ka mamahimong okay?

6. Sa katapusan sa mga bersikulo 27–28, gipakita ang klarong kalainan tali sa mga layo sa Dios ug sa mga naghimo sa Ginoo nga ilang dangpanan. Basaha usab ang Santiago 4:7–8. Unsay atong ginahimo aron masinati ang kaayohan sa pagkaduol sa Ginoo, ug giunsa man nga ang pagsurender mo-una sa maong pagkaduol? Kung ang pagkaduol sa Ginoo mao ang atong kinapusgan nga kaayohan, unsa man nga mga espesipikong batasan o mga kalibog (distractions) ang karon nakababag nga dili nimo Siya mahimo nga imong adlaw-adlaw nga dangpanan?”

SUNOD NGA MGA LAKANG

Bisan muhinay na imong pagkupot, ang kamot sa Dios dili gyud mobiya

- **I-open ang akong Kasingkasing.** Dili na nako itago ang mga bahin sa akong kasingkasing nga kabalo na daan ang Dios.
- **Kuhaa ang kasina.** Mosurrender ko sa usa ka pagtandi nga nakawat sa akong kalipay.
- **Dawata ang kamot.** Mosalig ko nga gihuptan ko sa Ginoo kay matitud-anon siya.
- **Paglipay sa imong bahin.** Pilon nako ang pagmalipayon nga ang Dios mismo mao ang akong bahin, bisan wala pa mausab ang matag kahimtang sa akong kinabuhi.

ALANG SA PAGTAPOS

Tapusa ang sesyon pinaagi sa paggahin og panahon sa pag-ampo alang sa usag usa. Ikonseiderar ang mosunod samtang mag-ampo ka:

- Pag-ampo para sa mga kasingkasing nga matitud-anon sa atubangan sa Dios, nagsunod sa iyang matitud-anon nga pagdumala, ug kontento kaniya isip imong kusog ug bahin hangtod sa hangtod.
- I-ampo nga motubo ang inyong relasyon diha kang Cristo ug magdasigay kamo sa usa’g usa.
- I-ampo ang mga minahal nga wala pa makaila kang Cristo.
- I-ampo ang panalipod, panustos, kaayohan, ug kahupayan alang sa tanan nga nagaantos.

BIBLE READING GUIDE

Hunyo 29	Salmo 73:1-5
Hunyo 30	Salmo 3:31-35
Hulyo 01	Salmo 73:21-24
Hulyo 02	1 Pedro 5:6-11
Hulyo 03	Salmo 73:25-28
Hulyo 04	Salmo 105:43-45
Hulyo 05	Salmo 106:1-12

